

疑荀子攷淮南子考世說音釋世說訂疑蒙求攷證蒙求續貂隸事五雜俎備考帳中物尾張畧志愚者一得小璣蕙樓隨筆蕙樓日抄蕙樓齋談蕙樓閑語米倉閑語米澤餘語土著論款下露十寸穗薄蕙樓集白山文集白山詩集危園集橘園集宜搜篇畫臺篇歸家漫筆夢中夢古史畧重修聚文韻畧等

磯谷正卿字子相號滄洲通稱覺左衛門世仕本府為騎士隸竹腰氏滄洲天資英敏與岡田新川師事松平君山博覽工文章君山嘗曰遊吾門者文有滄洲詩有新川明公在江戶聞滄洲之名辟擢為留書頭眷遇

甚渥明和甲申接遇朝鮮使南秋月贈排律二百韻秋月驚嘆云二百韻排律古今未曾有也非才學雄贍誰能作焉讀畢乃就篇中隨意抽出二十字以和之滄洲直援筆又賡其韻秋月益嘆賞滄洲時年二十八云性強記無論經史雖稗史小說一閱乃暗記焉享和子戌十二月二日歿享年六十六葬于城南常德寺所著有河梁雅契日先足利紀行

石川安貞字順夫號香山通稱忠次其家本出自參河大濱中世移居尾張愛智郡鳴海村父曰信庸香山其次子也稟性質直方正少而好學受業于深田厚齋及

淺井圖南。小出慎齋。勵精焦思。孜孜不休。其鄉去府下。未往凡六里。香山每以寅出。以辰至。列講筵。即日還家。而劄記其所聽。誦習其所傳。至夜半。僅就寢。前後三年。未嘗以祁寒暑雨廢一日。比壯歲。僑居府下。以教授為業。安永丁酉。賜月俸。授經于近侍。天明辛丑十一月。命香山及岡田新川。撰行水金鑑解。壬寅二月。命編五史要覽。癸卯四月。為明倫堂典籍。乙巳十月。始置繼述館。校勘以香山任之。兼明倫堂教授。寬政庚戌二月。五史要覽成。為卷二百七十五。繕寫以上。特恩加秩。繼命撰資治通鑑證補。壬子四月。為繼述館總裁。戊午

二月。為明倫堂督學。繼述館總裁如故。又加祿。文化己巳。賜宅於城南御園街。以其久在學職。又多著述。蒙賞賜者數之。嘗著金鏡管見。陸宣公奏議集註。咸達天朝。云。其名譽傳播四方。負笈者麇至。庚午十二月二日歿。享年七十五。葬于鳴海村瑞泉寺。所著有唐宋八大家文楷。勤學俗訓。讀書正誤。代奕雜抄等。行于世。石川嘉貞。字公幹。號魯菴。又三己叟。通稱順次。本氏水野。石川香山。養為嗣。幼有淑質。努力不倦。能繼述家學。寬政戊午。為明倫堂典籍。及冢田大峯。為督學。學政一變。魯菴獨守家學。後擢信公侍讀。及公薨。遷書物

奉行未幾而歿。天保辛丑四月三日也。享年六十九。葬于先塋側。所著有道經圖解、道燈等。

松永國華。字德榮。通稱億藏。六世祖曰久秀。天正丁巳

十月軍敗。焚死於大和志貴城。子吉秀遷尾張葉栗郡

玉野村。其子吉正。生矩武。矩武家于府下。生矩之。矩之

享保中為郡吏。是為德榮父。德榮襲父祿。明和丙戌。坐

事減俸。庚寅為東門館書史。寬政紀元轉徒組。己未

命如江戶。為人卓詭不羈。尤嗜酒。逮中年日有限量。

醉則就眠。曰。養我天年。乃此物也。好讀書。多所發明。最

研究律曆詩。則好嘉萬之風。又從河村葎菴名秀學

皇朝典故。平居所游皆當世名人。最與岡田新川善。文
化甲子七月十七日歿。享年六十七。葬于城西寶周寺。
所著有史記律曆補註。東窓閑談。行于世。

清水常武。號丈山。通稱金二。國老石河氏文學也。為人

豪放磊落。兼善書。而其作字不加敬謹。時或左手握煙

管。右手拈毫。且吹且書。而其書翩翩可見矣。或讓其不

敬。丈山曰。可讀則足矣。平生與恩田蕙樓友善。蕙樓貪

無書。丈山常憐之。以家多書。傾筐假之。云。寬政庚申四

月十二日歿。葬于城南延廣寺。

冢田虎。字叔貌。號大峯。居號雄通稱多門。信濃人也。父

曰旭嶺名行從學于室鳩巢名直大峯資性明敏豁達年十六遊江戶力學有年諸經傳皆自作解其意在依經解經於是自諸侯大夫至草野之士執贄入門者日多月盛天明紀元仕明公為侍讀文化辛未擢明倫堂督學乃改立學規增學職益生負專以經術誘掖後進乙亥又加賜秩祿其講經援引該博教誨懇到聽者心醉老而克壯著述不倦天保壬辰三月二十一日歿享年八十八葬于城南大光院弟子各仕侯國者千里聞訃賻贈日至云所著有周易毛詩孝經論語孔子家語六記孔叢子老子等註尚書補註春秋左氏傳

增註國語增註管子弟子職補解戰國策畧註聖道得門聖道辨物聖道合語論語群疑考孟子斷荀子斷解愠隨意錄昇平日新錄孝經和字訓入官第一義滑川談學語正朔斷惑編作詩質的文集詩集史漢裨解皇極和談見聞錄禮記贅說論語講錄歷史綱覽等通口好古字信夫號知足齋通稱又兵衛父曰又右衛門其先世信濃人通口兼光之裔也信夫自少以讀書賦詩為樂為人不苟小節臨事果斷初為支配勘定歷諸職為書物奉行尋遷中興番格歷仕凡五十三年忠精堅確勵志勉力無所不至為支配勘定時得元張希孟

牧民忠告大喜其有益牧司用諺語作之註釋鏤版公
于世其書傳至水戶水戶侯一覽大善之又別刻以
遍頒賜諸臣云其為勘定吟味役時巡視國中及美濃
近江封內諸邑悉筆其地理著郡村徇行記三十九卷
及詩稿若干卷宅中別構一書齋署曰遲日軒軒前聚
奇樹築筆冢有暇則獨坐其間吟哦養性晚歲建壽藏
於城南本要寺自題其碑陰以文政丙戌六月朔歿享
年七十七葬其地。

河村益根號乾堂通稱培二其先相模河村人因氏焉
五世祖曰秀久始仕本府祖秀世有二子伯秀穎季秀

根俱精於國書秀根有二子伯殷根有奇才而夭仲即
乾堂也自幼聰敏從岡田新川學及長知見過人貫串
經史又通音律最能筆算凡有所學必潛心探討不徹
不措但深惡宋儒不取其說嘗定順讀法著論讀式以
授生徒寬政壬子父歿乾堂當嗣有故絕志仕途養渡
邊氏子為嗣文政己卯十一月十二日歿享年六十四
葬于城南法輪寺所著有帝號通覽宰輔通覽載籍通
覽國郡通覽姓氏通覽匣載家塾錄乾堂集歌集等
與田水業字叔建以字行號鶯谷居號異亭通稱與三
郎五世祖曰傍島自入仕福島正則逮正則國除歸隱

美濃。後冒奧田氏。子孫世業醫。鶯谷之祖父曰三徹。元祿庚辰來住府下。其子遊川生三子。伯孝英。仲世文。季即鶯谷也。二兄皆遊京。鶯谷獨留在府下。性不好醫。就左右田九平名邦學圓明刀術。後折節讀書。師岡田新川。友河村乾堂。日夜憤勵。博綜經史。最善詩。門人衆多。寬政甲寅五月釋褐。為明倫堂典籍。文化甲子四月遷教授。戊子十一月列右筆組頭。文政庚寅十一月十八日歿。享年七十一。葬于日置村法然寺。所著有牧齋隨身卷。釋辭等。

永井襲吉。字無咎。

初字損疾。

號星渚。又珍齋。通稱一翁。愛智

郡荒井村人也。幼而聰悟。好讀書。及下鄉學海名寬館市川鶴鳴名巨于其家。星渚亦從學焉。鶴鳴奇其才。使熟讀十三家書。星渚奉其教。螢雪匪解。既而鶴鳴應某侯之聘。如其邑。於是門人多廢業。星渚獨執志。彌篤攻業。益勤。專潛心聖經二十餘年。遂有自所發明。以成一家。乃著對問一篇。以發其意。云。文政戊寅十二月十三日歿。享年五十八。葬于智多郡緒川村了願寺。所著有周易象義。毛詩存疑。尚書考文。論語考文。大學考文。中庸考文。考經考文。周禮考文。儀禮考。三經義。尚書衍文考。禮記。鄭註補義。春秋左氏傳考。國語考。戰國策考。史記考。

前漢書考。荀子考。列子考。莊子考。韓非子考。淮南子考。呂氏春秋考。助語辭訣。詩集文集等。

佐佐木容。字子申。號嘯堂。通稱正藏。幼而好讀書。舉動不凡。衆咸異之。及細井平洲督學國校。委質焉。從如江戶。寓嚶鳴館。三年而還鄉。其學大進。名為明倫堂典籍。尋遷教授。為人愷悌恭遜。其在仕途。夷險一致。喜愠不形於色。其接人言談愉愉。平居無戲言。無惰容。及其罷職。不與世交。環堵之室。左右圖書。兀然隱几而坐。有來問字者。乃諄諄誨之。弗倦。文政辛巳二月二十三日歿。享年六十。葬于城南延廣寺。

鈴木朗。字叔清。號離屋。通稱常介。父曰廓。無鈴木善阿彌之裔也。自參河來尾張。贅于山田氏。生四男。離屋其第三子也。童齒岐嶷。日誦書千餘言。粗通其意。十歲能屬文。及長。愈加精練。清人錢泳見其文。稱曰。有先秦兩漢之風。無唐宋八家之習。性剛毅。有大節。以道自任。又疾世之儒者。欲門下多人。苟且偷合。失教學之意。特嚴師道。慎交游。擇信己者。而後與之。是故受業者不多。初祿仕。後轉記錄書史。數年遷列儒。負年向七十。擢明倫堂教授。始講日本書紀於校中。天保丁酉六月六日歿。享年七十四。葬于城南誓願寺。所著有學訓論語參解。

大學參解。六經諸子說。雅語譯解。讀書點例。希雅養生要論。離屋文集。漂流物語等。行于世。

神野景遠字志寧。後改子宏。號菊叢。又有雪丘。一無等號。通稱善左衛門。父曰仁右衛門。奉職遊東武。生菊叢于江戶。菊叢自幼捷悟。勤學不倦。比壯漫遊四方。探名區古蹟。遂抵本府而祿仕。清貧澹泊。讀書自樂。初在江戶學于山本北山。有名信又信菽生氏。說後讀許魯齋全書。大喜之。幡然服程朱。然不株守一家。博涉百家。自兵法書畫詩歌醫術律曆。至稗史野乘。無不通知。又好佛典。常閱藏經。六年卒業云。性卑謙。不才學誇人。平居

服垢弊。容貌如愚。而言談娓娓可聽。天保庚子七月二十五日歿。享年七十三。葬于城南法應寺。所著有隨意艸。長秋記。參考。菊叢文集等。

松田昭裕字君綽。號隸園。通稱三藏。葉栗郡松竹村人。天資疎豪。不拘繩墨。幼遊于細井平洲之門。弱冠補明倫堂學生。賜月俸。文化中新除典籍。旁詳國史。諸乘稗官小說。遍其齋曰常春。其言曰。詩酒絃誦。常常為春。性嗜酒。垂老不止。其妻苦諫。以非攝生之道。隸園笑曰。天生君綽。豈為汝曹地耶。里中有失火。衆咸失措。隸園獨閑步。至酒肆。酣醉陶然。不顧資財。里中皆稱為畸人矣。

甲斐愨字士誠號岷谷通稱清大夫父曰石安美濃大垣人來住府下以醫為業岷谷生而穎悟從關元洲受

句讀年甫十歲誦經史作詩世以神童稱之為人溫謹

精力過人既而補明倫堂學生就細井平洲而學平洲

甚器之文化中除典籍文政丙戌二月十二日歿享年五十五葬于城南誓願寺所著有詩集若干卷

丹羽昺字子勉號盤桓子通稱嘉六春日井郡四谷村人也自幼穎異不群四五歲能書字屹如成人七歲從

學鈴木離屋離屋愛其才教育最至其業日進離屋嚴

禮以待生徒盤桓獨奉其規事之甚謹為人恭謙貞慎

質厚寡言其與人忠其執事敬其治室家肅而和寬政

中始開日記局編纂歷代事蹟大冢伯譽幹名長為之

總裁舉盤桓寫史書守職二十餘年遷右筆其學術文

章皆超出時流而為書名所掩終不顯于世其書細楷

特妙暨中年觀宮崎筠圃遺墨深有所契極推服之云

天保辛丑三月七日歿享年六十九葬于四谷村長光寺。

林維祺字介父號南涯通稱彥八本氏曰比野為林季

倪嗣初從學于礪谷滄洲。文化丁卯。為明倫堂典籍。已遷教授。天保壬辰。進督學。為人溫雅謙冲。弘量容衆。平生詩文。概不蓄稿。人或勸著書。乃曰。如我陋劣。曷事著述。我偶所見。則古人皆已言之。又何嗷嗷之為。其處身甚約。賙貧極厚。書生家貧而志篤者。則寄食之塾中。撫恤最至。老而無子。養同族之子。為嗣。待之寬恕。不加督責。每語人曰。人有能有不能。各養其性。以供天職而已。立己矩矱。而矯人之性質。吾不為也。平居怡怡。飲酒有限。醉能溫克。雖家人未嘗見厲辭愠色也。天保辛丑閏正月八日歿。享年六十七。葬于城南西蓮寺。

尾張名家誌初編卷之下